

Евгений Степанович Казановский

Коми Республикаса Юралысьлөн 2024 во моз тöлысь 19 лунся 98 №-а Индöдөн сетöма «Почёта гражданин» Коми Республикаса медвылыс почёт ним.

Чужис 1938 вося урасьом тöлысь 18 лунö Коми АССР-са Печора районлөн Песчанка посёлокын. 1956 воын пырис велöдчыны Саратовса зоотехнической ветеринарнöй институтö. 1961 воын ыстом серти воис Печораын районкостса ветеринарно-бактериологической лабораторияö, көнi уджаліс ихтиопатология, а сёрöнджык – биохимия да радиобиология юкөнөн веськöдлысьöн. 1968 воын лоис Печораса ветлабораторияын да Изьва-Печораса наука-туялан ветеринарнöй станцияын наука удж серти директорöс вежысьöн, 1973 воын – тайö öтулыслөн директорөн. Сэні сійö веськöдліс 50 воысь дырджык.

Евгений Степанович Казановский – Коми Республикаын зэв тöдчана морт, Комиын ветеринарнöй наукаса дзик öти доктор. Сійö пуктіс ыджыд пай аймуын көр видзöм сöвмöдöмö. Туяліс, кутшöм лектор вермöны вайны көръяслы фосфорорганической инсектицидыяс.

2008-2010 воясö Евгений Степанович дасьтіс да бура пöртіс олöмö войвыв көръяс пöвстын медся тшöкыда паныдасьлысь вуджан висьöмъяс да паразитозъяс (сибирскöй язва, энтомозъяс, некробактериоз да öткымын гельминтоз) бырöдöм серти мероприятияяс. Найö отсалісны бурмöдны видз-му овмöсса пемöсьяслысь дзоньвидзалунсö.

Е.С. Казановскийлы сетöма көр видзан юкөннын вермöмъясысь СССР-са ВДНХ-лысь бронза медаль, Россияса видз-му овмös наукаяс академиялысь, Коми АССР-са да Коми Республикаса видз-му овмös министерствояслысь, СССР-са Министръяс Сöветлысь, ВЦСПС-лысь Почёт грамотаяс да мукöд награда. Лоö инновацияс юкөннын вермöмъясысь Коми Республикаса Веськöдлан котырлөн премия лауреатөн. «Печора» муниципальнöй районса Сöветлөн 2008 во öшым тöлысь 24 лунся помшуöмөн Евгений Степановичлы сетöма «Печора карса почёта гражданин» ним.